

«Եւ սակայն հայ ազնուականներին բնաւ չէ պակսել հայրենասիրութիւնը, այլ միայն միաբանութիւնը եւ սեփական ե'սը ճնշելու, իրենց անհասական դիրքը հայրենիքի բարօրութեանը ստորագասելու ընդունակութիւնը»:

Հայ իշխանական տների անջատական ձգտումները մեծապէս նպաստաւորուել են առաւելապէս Հայաստանի բնական դիրքով: Այդ իրողութեան զուգահեռականները Մարքվարտ որոնել կարծում է լեհական եւ միջնադարեան դերման պետութեանց մէջ միայն: Եւ սակայն ինչպէս որ անարդար կը լինէր դերման ժողովուրդը դատապարտել իր ազնուականութեան հայրենադաւ ընթացքի համար,— շարունակում է Մ. — նոյնը նաեւ, եթէ մենք հայ ժողովուրդը որպէս ամբողջութիւն կամենայինք պատասխանատու համարել այն անհաստատ, երերուն դիրքի համար, որ այնչա'փ յատկանշական է հայ պատմութեան համար, եւ այդ՝ սկսած այն օրից, երբ հայ ազգը Արտաշիասի օրով իր սեփական պետութիւնը հիմնեց: Այնուհետեւ նա մշտապէս օրօրուեց Արեւմտքի եւ Արեւելքի միջեւ:

Ապա Մարքվարտ արձանագրում է հետեւեալ յատկանշական պատմական փաստը: Այն, որ յունա-հռոմէական համաշխարհային պետութեան մշակութային ազդեցութեան տակ ապրող ժողովուրդներից միայն երկուսն են իրենց ազգային դիմագիծը եւ լեզուն անլթար պահել, մինչեւ անգամ սեփական քաղաքակրթութիւն մշակել: Դրանք են՝ մի կողմից՝ գերմանները, իսկ միւս կողմից՝ հայերը, վերջինների հետ հաշուելով մշակութապէս ներանցից կախում ունեցող վրացիներին եւս:

Պատմական այս իրողութիւնը Մարքվարտ բացատրում է պատահականութեամբ միայն եւ կամ, «եթէ կ'ուզէք, Նախախնամութեամբ»: Ինչպէս որ Գերմանիան սպառնալից կորստուած պիտի լինէր, եթէ Վարոսի պարտութեան միջոցին (9 թուակ. Քրիստոսից յետոյ) հռոմէական պետութեան գլխին կանգնած լինէր Պոմպեյոսի եւ Կեսարի նման մի ռազմիկ իշխանաւոր եւ կամ նոյնիսկ Տրայանոսի նման «ժողովուրդների դահիճ» մէկը, նոյնը եւ աւելի՛ վատթարը դիրքութեամբ Հայաստանին վիճակուած պիտի լինէր, եթէ Օգոստոս կայսրը ժամանակին հռոմէական նահանգի վերածած

լինէր այն (20 թ. Ք. Ա. եւ կամ 2 թ. Ք. Յ.): Եւ այդ՝ մանաւանդ այն պատճառով, որ հռոմէացիները դեռ Օգոստոս կայսրից առաջ արդէն երեք անգամ ամբողջապէս նուաճել էին Հայաստանը (Լուկուլլոս, Պոմպեյոս, Անտոնիոս):

Հայաստանի համար հսկայական նշանակութիւն ունեցաւ այն, որ Օգոստոս հրաժարուեց նման մտքից եւ հայ թագաւորների իշխանութիւնը պահեց, գոհանալով նրանց հարկատու դարձնելով միայն: Եւ այդ օրինակին հետեւեցին նրան յաջորդող կայսրները, մինչեւ թէոդոս Ա.: Իսկ եթէ Օգոստոս կայսրը Հայաստանը հռոմէական սոսկական նահանգի վերածած լինէր, այդ դէպքում հելլենականութիւնը մինչեւ Ն. դարու սկիզբը այնչա'փ զօրացած պիտի լինէր Հայաստանում, որ դժուար թէ կարիք զգացուէր ազգային գիր ու գրականութիւն ստեղծելու:

Այսպէս է լինում ահա, որ ինչպէս գերմանները, այնպէս եւ հայերը գերծ են մնում հռոմէացիների եւ յոյների մէջ ձուլուելու վտանգից:

Իրենց լեզուին նայելով հայերի Հնդեւրոպական ընտանիքի պատկանելու փաստը արձանագրելուց յետոյ Մարքվարտ հետեւեալ կարծիքն է յայտնում մեր ազգի ծագման մասին —

«Յայտնի է որ, Հերոդոտ հայերին, ինչպէս նաեւ յետոյ Սարաբոն հայերէնին փոխգական ծագում են տալիս: Թէ ի՞նչ հիմունքներ է ունեցած նրանց այդ կարծիքը, մնում է անձանօթ: Յամենայն դէպս, Մարքվարտ կարծում է, թէ «կարելի չէ ապացուցել հայերէնի եւ փոիւզերէնի Վոտիկ ազգակցութիւնը»:

Վերոյիշեալ տեղեկութիւնները սակայն մէկ բան որոշակի պարզում են: Այն, որ դեռ Քրիստոսից 5 ու 4 դար առաջ հայերի մասին այն յստակ տեսակէտը կար թէ՛ ա) անյիշատակ ժամանակներից չէ որ նրանք իրենց ժամանակակից երկրում են ապրում, եւ բ) որ հայերը արեւմուտքից ներգաղթած ժողովուրդ են:

Բացի դրանից կայ նաեւ այն, որ բազմատական լեզուաբանութեան տուեալներով կարելի է ապացուցուած համարել, որ հայերէնի հիմնական տարրը լեզուների Հնդեւրոպական